

Uunga siunnersuut: Kommunit aggornerisa avataanni sumiiffinni innuttaasut siulersuisui pillugit Inatsisartut inatsisaat

(Aningaasaqarnermut Nunamullu Namminermut Naalakkersuisoq)

Saqqummiussiisut**Siullermeerneqarnera**

Naalakkersuisut sinnerlugit matumuuna Kommunit aggornerisa avataanni sumiiffinni innuttaasut siulersuisui pillugit Inatsisartut inatsisaattut siunnersuummik saqqummiussissaanga.

Inatsit maanna atuuttoq tassaavoq: “Kommunit aggorneqarnerisa avataanniittut nunaqqatigiit siunnersuisoqatigiivi pillugit Inatsisartut inatsisaat nr. 13, 20. oktober 1988-imeersoq”.

Pituffimmi innuttaasunut siunnersuisoqatigiit 3. maj 2019 Nunamut Namminermut Immikkoortortaqarfimmut saaffiginnissuteqarput, noqqaassutigalugu inatsit atuuttoq misissoqqullugu, inatsit nutarterneqarnissaa erseqqissarneqarnissaalu siunertaralugu, inatsit naliminut tulluarunnaarsimammat.

Annertuumik allannguutissatut siunnersuutigineqarpoq, taaguut ”Innuttaasunut siunnersuisoqatigiit” allangortinneqassasoq imatut: ”Innuttaasut siulersuisui”. Taamaalilluni taaguut siulersuisut allat naligilissavai, soorlu nunaqarfimmi aqutsisut aamma kommunalbestyrelsi. Taaguut “siunnersuisoqatigiit” akuttunngitsumik Pituffimmi Amerikamiunit paatsoorneqartarsimavoq.

Taassuma saniatigut Innuttaasut siulersuisuisa suliassaasa allattorneri allangortinneqarput, Innuttaasut siulersuisui Namminersorlutik Oqartussat, kommunit pisortaqarfiillu allat sinnerlugit suliassanik tamakkiisumik imaluunniit ilaannakortumik suliaqarsinnaalerlutik inatsisitigut tunuliaquteqalersillugit.

Naggasiutigalugu inatsimmut siunnersuut aamma oqaaseqaatit tassunga attuumassutillit unnersuussutigissavakka.

Taamatut oqaaseqarlunga Naalakkersuisut sinnerlugit siunnersuut Inatsisartunut suliassanngortippara.